



74  
6262  
1  
08



東漢會要

6262  
1

光緒甲申江蘇書局開雕



去五味均平藏

東漢會要

提要

臣等謹按東漢會要四十卷宋徐天麟撰天麟官撫州教授時既奏進西漢會要後官武學博士時續成此書時于寶慶二年復奏進之其體例皆與前書相合所列亦十五門分三百八十四事惟西漢會要不加論斷而此書則間附以案語及雜引他人論說蓋亦用蘇冕駁議之例也東漢自光武中興明章嗣軌皆汲汲以修舉廢墜為事典章文

東漢會要 提要  
物視西京爲盛而當時載筆之事如東觀紀及華嶠司馬彪袁宏之類遺編斷簡亦間有留存他若漢官儀漢雜事漢舊儀諸書爲傳註所徵引者亦頗掣然可考故東漢一代故事較西漢差爲詳備天麟據范書爲本而旁貫諸家悉加哀次其分門區目排比整齊實深有裨於考證中間如獻帝子濟陰王熙山陽王懿濟北王邈東海王敦雖爲曹氏所置旋即降爲列侯然旣以封建立國自當著之帝系皇子條下以表其實乃因范書無傳遂削

而不書未免闕漏又天麟自序中稱劉昭因范氏遺緒注補八志而不知其爲司馬彪續漢書志實非范書晁公武已譏之則亦偶失檢點然其大體詳密卽稍有躐駁固不足以爲累也其書世所傳者皆據宋本傳鈔第三十七三十八兩卷全闕三十六三十九兩卷亦各佚其半無可考補今亦並仍之焉

東漢會要序

臣頃於嘉定四年九月表進臣所編西漢會要七十卷  
際遇寧宗仁文哲武恭孝皇帝稽古右文日新聖學既  
塵蠲濩之覽乃十一月丁卯有旨付尚書省藏之秘閣  
竊自惟念臣猥以庸愚妄倣前賢纂輯遭逢聖明不棄  
葑菲俾得晉聯廣內之儲豈意書生有此榮遇當時三  
館之士被命看詳間謂臣言兩漢治效上軌殷周制度  
文物炳耀青史今詳于西劉而略于東都豈不猶爲缺  
典臣退而自忖所幸精力未疲乃因公退之暇緝閱范

東漢會要 卷四  
史旁貫諸書復加哀次成東漢會要四十卷竊惟炎運  
中興禮樂庶事視西都爲加詳建官置兵以節約而鄉  
簡雖建武改制事歸臺閣中世失權政移戚宦然猶足  
以綿延二百年之祚比隆于高文武宣者以綱紀法度  
猶有可以憑藉扶持者也自蔡邕作十意補續前志其  
文旣已湮沒范氏亦欲徧作諸志依準前書然徒懷著  
述莫究僨功范又嘗以十志託于謝儼搜撰垂畢值范  
傾敗委棄弗存其後劉昭因范遺緒以注補之今八志  
所述綱目粗備然食貨兵刑學校選舉之類皆缺弗著

學者病焉臣不量疎謬復茲編綴以補一朝之典睿聖  
當極酌古御今庶有裨於乙覽之萬分凡八志已詳者  
今特撮其綱要志所未備者則詳著本末又間以己見  
爲之論述使議禮者參兩漢之沿革以求三代之遺範  
則是非得失粲然在目孰爲可法孰爲可鑒於是考而  
證諸其於世教詎云無補乎寶慶二年六月二十二日  
奉議郎武學博士臣徐天麟序

東漢會要進表

臣天麟言炎圖紹復偉光皇節約之規彝典彙分倣唐  
室纂修之體非獨考治原之粹駁抑將觀世變之盛衰  
上瀆離明俯增震懼臣天麟實惶實懼頓首頓首竊以  
立紀綱而爲法則實古聖之宏猷作書志以緯天人蓋  
史臣之新例然典章文物或散見於紀傳而兵刑食貨  
曾莫究於源流是以皇朝崇會粹之書端由列聖篤輯  
熙之學必儒臣乃獲在編摩之局必宰相乃兼司提領  
之權博採旁搜哀次不遺於五閏取近舍遠討論未及

東漢會要 卷三  
于兩都其在明時詎非缺典自匪眵分子副墨若何昭揭于汗青肆加綜輯之勤具列坦明之憲因班書而爲會要已塵先皇乙夜之觀卽范史而析綱條庶備大漢兩朝之制雖極鑽研之力寧逃躋駁之譏功適告成理若有待恭惟皇帝陛下聖由天縱道本乾剛明及時德業之修究稽古禮文之事雖綱維治道常恪遵祖宗宏遠之模然參酌舊章必博考漢唐沿革之緒取善不卑於葑菲獻書敢緩于芻蕘冒塵清宴之間庶冀涓埃之益臣材能拘謏學識迂疎窮經不足以採微嗜史乃幾

於成癖頃效美芹之獻誤膺華袞之褒迨茲勉紹于前功冀以兼存于丕式集事蹟而爲鑑或可參往牒之言條章奏而請行期有補當今之務臣無任瞻天望聖激切屏營之至所有新編東漢會要四十卷目錄一卷繕寫成四十冊謹隨表上進以聞臣天麟實惶實懼頓首頓首謹言寶慶二年六月二十二日奉議郎武學博士臣徐天麟上表





內職

諸園貴人

出宮人

卷三

禮一 吉禮

禮樂

禮儀

光武即位告天

郊祀

封禪

卷四

禮二 吉禮

北郊

明堂

辟雍

靈臺

宗廟

禘祫

原廟

卷五

禮三 吉禮

社稷 五祀

靈星

六宗

祠孔子

高禘

飲酎

雜祭祀

齋

夕牲

迎氣

立春

立夏

夏至

黃郊

立秋

立冬

冬至

合朔

五供

親耕

親蠶

祓禊

請雨

桃印

驅劉

臘祖

大雩

土牛

卷六

禮四 嘉禮

行幸

循守

朝會

上尊號

上壽

拜皇太子

拜諸侯王公

養老

案比

冠

婚

大射

鄉飲

詔令

璽書  
尺一

章奏

封事

阜囊

卷七

禮五

賓禮

封先代後

封孔子後

禮六

軍禮

講武

校獵

饗衛士

禮七

凶禮

山陵

寢園

上陵

大喪

服制

奪服

卷八

樂

樂舞

詩頌

四夷樂

卷九

輿服上 符璽附

玉輅

乘輿

金根

安車

立車

耕車

戎車

獵車

駟車

青蓋車

綠車

皂蓋車

夫人安車

大駕

法駕

小駕

輕車

大使車

小使車

載車

導從卒

車馬飾

警蹕

璽

百官印

節

符

檠

卷十

輿服下

總敘冠服

冕冠

長冠

委貌冠

皮弁冠

爵弁冠

通天冠

遠遊冠

高山冠

進賢冠

法冠

武冠

建華冠

方山冠

巧士冠

卻非冠

卻敵冠

樊噲冠

術士冠

鵠冠

續

佩玉

佩刀

佩印

黃赤綬

赤綬

綠綬

紫綬

青綬

墨綬

黃綬

青紺綸

后夫人服

車服雜錄

卷十一

文學上

帝學

宮邸學

郡國學

卷十二

文學中

國史

經學

易家

太學

鴻都門學

圖書

五經諸儒

尚書家

詩家

春秋家

卷十三

文學下

講論經義

論浮屠

卷十四

歷數上

律準

禮家

論讖

候氣

賈逵論歷

永元論歷

延光論歷

漢安論歷

熹平論歷

論月食

歷元

卷十五

歷數中

服色

改元

時令

符命

祥瑞

渾儀

卷十六

歷數下

天文

隕石

五行變異

卷十七

封建上

封皇子

封宗室

封先代後孔子後

見賓禮

封功臣

錄功臣後

紹封



分封

公主子封

宰相封

外戚恩澤侯

宦者封侯

卷十八

封建下

列侯

關內侯

爵

王侯號

特進侯

侍祠侯

小侯

王主

婦人封號

四夷國

位次

戶邑

國租

茅土

朝賀

奉朝請

就國

王國官屬

侯國官屬

郵典

卷十九

職官一

太傅

錄尚書事

右上公

太尉

司徒

司空

右三公

將軍

自太傅至將軍為五府

太常

光祿勳

衛尉

太僕

廷尉

大鴻臚

宗正

大司農

少府

右九卿

卷二十

職官二

執金吾

太子太傅

大長秋

太子少傅

將作大匠

城門校尉

北軍中侯

司隸校尉

河南尹 刺史

列郡 縣道

鄉亭 諸郡別置官

使匈奴中郎將 護烏桓校尉

護羌校尉 西園八校尉

卷二十一

職官三

品秩 奉祿

官稱 考課

刺舉 舉謠 世官

久任 行領試守假 為真

卷二十二

職官四

集議 侍講

上計 給事中

待詔 圖功臣

省官 官數

卷二十三

職官五

奉使外國

案行災害清詔使

班宣風化

戒官吏

旌節義

外戚貴盛

卷二十四

職官六

宦官擅權

卷二十五

職官七

黨錮始末

恩賜

休沐

致仕

鬻官

郵典

贈官

雜錄

卷二十六

選舉上

賢良方正

博士弟子甲乙科

孝廉廉吏

至孝

有道

淳厚質直

仁賢 茂材四行

明經 計偕

將帥 耆儒

試尚書 試博士

童子 任子公孫

卷二十七

選舉下

公府選舉 公府辟除

州郡辟除 郡吏

上計吏 聘處士

宣陵孝子 選舉雜錄

卷二十八

民政上

戶口 三老

鄉亭長 民伍

孝悌力田 勸農桑

假民田苑蠲假稅 賜民爵賜粟帛

卷二十九

民政中

賜酺

崇孝行

荒政<sub>上</sub>

卷三十

民政下

荒政<sub>下</sub>

禁厚葬

卷三十一

復除

戒奢侈

奴婢

瘞遺骸

食貨

田制

算賦

更賦

財用

鹽鐵

罷貢獻

卷三十二

兵上

租稅

口賦

調度

錢幣

禁沽酒

光武中興

光武平赤眉

光武平漁陽

光武平齊

光武平隴蜀

卷三十三

兵中

宿衛

衛士

金吾緹騎

北軍五營

將軍領兵

城門兵

黎陽營

雍營

西園軍

郡國兵積射 奔命

突騎

募罪徒戍邊

徙民實邊

命將

兵法

兵器

兵符

馬政

卷三十四

兵下

屯田

亭候塢壁

烽燧

障塞

盜賊

刻石記功

類祭告功

卷三十五

刑法上

法令

刑制

贓罪

選舉不實

恤刑 贖罪

卷三十六

刑法下

中都官獄

斷獄案罪

律學

赦宥

卷三十七

方域上

都邑

輿地

省併郡國

十三部 上

卷三十八

方域下

十三部 下

復九州



宮苑

宮掖門 象魏

雒陽城門

街市

宮苑雜錄

河渠 水利

關梁

傳置

卷三十九

蕃夷上

東夷

南蠻

西南夷

西羌

卷四十

蕃夷下

西域

南匈奴 北匈奴

烏桓

鮮卑



東漢會要卷一



宋 徐 天 麟 撰

帝系上

帝號

世祖光武皇帝諱秀  
日茂字文叔南陽人高祖九世孫也  
 出自景帝生長沙定王發發生春陵節侯買買生鬱  
 林太守外外生鉅鹿都尉回回生南頓令欽欽生光武  
 王莽末起兵于宛更始元年兄伯升立劉聖公為天子  
 伯升為大司徒光武為太常偏將軍破莽軍于昆陽更

始拜光武為破虜大將軍封武信侯九月三輔豪傑其  
 誅王莽傳首詣宛更始將北都洛陽以光武行司隸校  
 尉更始至洛陽乃遣光武以破虜將軍行大司馬持節  
 北度河鎮慰州郡二年更始遣使立光武為蕭王建武  
 元年即皇帝位於鄗南中元二年二月帝崩年六十二  
 葬原陵有司奏上尊廟曰世祖諡能昭前業曰光年號  
 建武三十太傅卓茂大司馬吳漢太尉趙嘉大司徒鄧禹  
 一申元二太傅茂大司馬劉隆太尉趙嘉大司徒伏湛  
 侯霸劉歆歐陽歙司徒馮勤大司空王梁宋宏  
 戴涉蔡茂王況司徒李訢大司空李通馬成  
 實融朱浮司空張純  
 杜林馮魴

顯宗孝明皇帝諱莊之字曰嚴光武第四子也母陰皇后建

武十五年封東海公十七年進爵為王十九年立為皇

太子中元二年二月戊戌即皇帝位永平十八年秋八

月壬子帝崩年四十八壬戌葬顯節陵十二月癸巳有

司奏宜尊廟曰顯宗諡照臨四年號永平十八年太傅鄧禹

尉趙嘉司徒李訢郭丹王敏范遷虞延司空馮魴伏

肅宗孝章皇帝諱炆之字曰著顯宗第五子也母賈貴人永

平三年立為皇太子十八年八月壬子即皇帝位年十

九章和二年正月壬辰帝崩年三十三三月丁卯葬敬

陵辛酉有司上奏請上尊廟曰肅宗諡温克令年號初建

八元和三太傅趙太尉鄭宏宋由鮑昱鄧彪司徒鮑昱

章和二袁安司空第五倫袁安

孝和皇帝諱肇之字肅宗第四子也母梁貴人卒竇后

養帝為己子建初七年立為皇太子章和二年二月壬

辰即皇帝位年十歲永元三年正月帝加元服元興元

年十二月辛未帝崩年二十七延平元年三月甲申葬

慎陵廟曰穆宗獻帝初平元年諡柔曰和年號永元十六

太傅鄧太尉張輔尹睦司徒袁安丁鴻劉方

徐防司空任隗劉方張奮韓稜

孝殤皇帝諱隆之字和帝少子也元興元年十二月辛

未夜即皇帝位時誕育百餘日皇太后臨朝延平元年

八月辛亥崩年二歲九月丙寅葬康陵諡短折不太傅

張太尉徐防司徒梁鯨司空陳寵

恭宗孝安皇帝諱祐之字肅宗孫也父清河孝王慶母

左姬延平元年八月殤帝崩太后使鄧隲持節迎帝拜

為長安侯詔以祐為孝和皇帝嗣即皇帝位年十三太

后猶臨朝永初三年正月庚子帝加元服延光四年二

月甲辰南巡狩三月庚申幸宛乙丑自宛還丁卯幸葉

帝崩于乘輿年三十二庚午還宮辛未夕乃發喪四月

已酉葬恭陵廟曰恭宗獻帝初平元諡寬容和年號永

七元初六永寧一太傅張禹太尉徐防司馬苞張禹李修

建光一延光四太傅魯恭太尉司馬苞張禹李修

馮石劉愷司徒梁鮪魯恭楊震夏勤司馬苞張禹李修

袁敞李邵劉授陳褒安帝子也母李氏永寧元年立為

孝順皇帝諱保之字安帝子也母李氏永寧元年立為

皇太子延光三年廢為濟陰王明年三月安帝崩北鄉

侯立濟陰王以廢黜不得上殿及北鄉侯薨中黃門孫

程等迎濟陰王即皇帝位年十一建康元年八月帝崩

時年三十九月丙午葬憲陵廟曰敬宗獻帝初平元諡

慈和徧年號永建六陽嘉四永和太傅馮石劉熹

服曰順年號六漢安二建康一太傅馮石劉熹

劉光施延龐參李邵朱儂許敬胡廣

王冀桓焉趙峻司徒崎黃尚劉壽胡廣

司空劉扶王卓郭虔趙戒王冀

孝沖皇帝諱炳之字順帝之子也母曰虞貴人建康元

年立為皇太子其年八月庚午即皇帝位年二歲皇太

后臨朝永嘉元年正月戊戌帝崩年三歲已未葬懷陵

諡幼少在年號永嘉太傅趙峻太尉李固司徒胡廣司空趙戒

孝質皇帝諱纘之字肅宗元孫曾祖父千乘貞王伉祖

父樂安夷王寵父勃海孝王鴻母陳夫人冲帝不豫大

將軍梁冀召帝到洛陽都亭及冲帝崩皇太后與冀定

策禁中使冀持節以王青蓋車迎帝入南宮封為建平

侯其日即皇帝位年八歲本初元年閏六月甲申大將

軍梁冀潛行鴆弑帝崩年九歲七月乙卯葬靜陵諡中

無邪年號本初太傅關太尉李固司徒胡廣司空趙

袁

孝桓皇帝諱志之字肅宗曾孫也祖父河間孝王開父

蠡吾侯翼母區氏翼卒帝襲爵為侯本初元年梁太后

召帝到夏門亭將妻以女弟會質帝崩太后遂與兄大

將軍冀定策禁中閏六月庚寅即皇帝位時年十五太

后猶臨朝政建和二年正月甲子帝加元服永康元年

十二月丁丑帝崩年三十六建寧元年二月辛酉葬宣

陵廟曰威宗獻帝初平元年諡遠曰桓年號建和三年

興二永壽三延太傅關大尉胡廣杜喬趙戒

熹九永康一楊秉陳蕃司徒趙戒袁湯張歆吳雄黃瓊

周景許栩司空袁湯胡頌韓演祝恬盛允房植種暠

胡廣司空袁湯孫朗胡廣盛允黃瓊虞放趙戒劉寵房植周景

劉茂  
宣

孝靈皇帝諱宏之字肅宗玄孫也。曾祖河間孝王開。祖

淑。父萇。世封解瀆亭侯。帝襲侯爵。母董夫人。桓帝崩無

子。皇太后與父城門校尉竇武定策禁中。奉迎入殿中。

建寧元年正月庚子。即皇帝位。年十二。四年正月甲子。

帝加元服。中平六年四月丙辰。帝崩。年三十四。六月辛

酉葬文陵。諡亂而不年號建寧四熹平六太傅陳蕃

太尉周景劉矩聞人襲劉寵郭禧李咸

陳球橋元楊賜鄧盛劉寬孟馘張顥胡廣

崔烈曹嵩樊陵馬日磾劉虞張溫司徒劉寵

許訓 橋元 許栩 袁隗 楊賜 袁滂 司空 宣

劉郃 陳耽 崔烈 許相 丁宮 袁滂 司空 宣

王暢 劉寵 許栩 劉翬 橋元 來豔 宗俱

楊賜 唐珍 許訓 劉逸 陳球 陳耽 袁逢

張濟 張溫 劉宏

孝獻皇帝諱協之字靈帝中子也。母王美人。中平六年

四月靈帝崩。戊午。皇子辯即皇帝位。年十七。改爲光熹。

封皇弟協爲渤海王。七月。徙爲陳留王。八月辛未。改光

熹爲昭寧。九月甲戌。董卓廢少帝爲宏農王。是日陳留

王即皇帝位。九歲。改昭寧爲永漢。十二月。詔除光熹。昭

寧永漢三號。復還中平六年。興平元年正月甲子。帝加

元服延康元年十月乙卯遜位于魏王丕奉帝為山陽公邑一萬戶位在諸侯上都山陽之濁鹿城魏青龍二

年薨年五十四八月以漢天子禮儀葬于禪陵諡聰明睿智

日年號初平四興平二建太傅袁大司馬劉虞

張太尉董卓黃琬趙謙馬日碑皇甫司徒

楊琰楊彪周忠朱儁楊彪袁紹荀爽

嘉趙謙楊彪王允趙溫丞相曹操司空楊彪荀爽

皇太后皇后

光武郭皇后諱聖通更始二年春光武至真定納后及

即位以為貴人生皇子彊二年立為皇后彊為皇太子

其後后寵稍衰十七年廢為中山王太后進后中子輔

為中山王二十年輔徙封沛王后為沛太后二十八年

薨葬北芒

光烈陰皇后諱麗華初光武聞后美歎曰仕宦當作執

金吾娶妻當得陰麗華更始元年遂納后于宛光武即

位以為貴人生顯宗十七年廢皇后郭氏立貴人為皇

后顯宗即位尊為皇太后永平七年崩合葬原陵

明德馬皇后年十三選入太子宫顯宗即位以為貴人



賈貴人生肅宗。帝以后無子，命養之。永平三年立爲皇后，常衣大練裙，不加緣。肅宗卽位，尊曰皇太后。建初四年六月崩，合葬顯節陵。

賈貴人，建武末，選入太子宫，生肅宗。而顯宗以爲貴人，肅宗旣爲太后所養，專以馬氏爲外家，故貴人不登極位。及太后崩，乃策書加貴人王赤綬安車一駟，永巷宮人二百。

章德竇皇后，建初二年，選入掖庭，明年立爲皇后。梁貴人生和帝，后養爲己子，欲專名外家，而忌梁氏，乃作飛書以陷竦，竦坐誅。貴人以憂卒。和帝卽位，尊后爲皇太后。臨朝，兄憲弟篤、景並顯貴，擅威權，遂密謀不軌，被誅。九年，太后崩，未及葬，而梁貴人姊嫫上書，陳貴人枉歿之狀。太尉張酺等奏請，貶太后尊號，不宜合葬先帝。百官亦多上言者。帝手詔曰：「禮，臣子無貶尊上之文，其勿復議。」于是合葬敬陵，改殯貴人。上尊號曰恭懷皇后，追服喪制。

和帝陰皇后，永元四年，選入掖庭，以先后近屬，得爲貴人。八年立爲皇后，十四年廢，遷於桐宮，以憂死。

和熹鄧皇后諱綏永元七年選入宮八年爲貴人十四年夏陰后廢至冬立爲皇后殤帝立尊后爲皇太后太后臨朝殤帝崩太后定策立安帝猶臨朝政永寧二年崩合葬順陵

安思閭皇后諱姬元初元年始以選入掖庭爲貴人二年立爲皇后宮人李氏生皇子保后鳩殺李氏安帝崩北鄉侯立尊后曰皇太后皇太后臨朝少帝薨中黃門孫程等立濟陰王是爲順帝遷太后于離宮明年崩合葬恭陵

安帝母李氏瘞在洛陽城北帝初不知及太后崩左右白之帝感悟發喪更以禮殯上尊諡曰恭愍皇后葬恭北陵

順烈梁皇后諱嬀大將軍商之女也永建三年選入掖庭爲貴人陽嘉元年立爲皇后沖帝立尊爲皇太后臨朝沖帝尋崩復立質帝猶秉朝政大將軍冀鳩殺質帝太后遂立桓帝和平元年正月歸政于帝二月崩合葬憲陵

虞美人者以良家子年十三選入掖庭生沖帝沖帝早

天大將軍梁冀秉政，忌惡他族，故虞氏抑而不登，但稱大家而已。陳夫人者，少以聲伎入孝王宮，生質帝，亦以梁氏故，榮寵不及焉。熹平四年，乃拜虞大家為憲陵貴人。陳夫人為勃海孝王妃。

孝崇優皇后諱明，為蠡吾侯翼媵妾，生桓帝。桓帝即位，追尊翼為孝崇皇，陵曰博陵。以后為博園貴人。和平元年，梁太后崩，乃就博陵，尊后為孝崇皇后。元嘉二年崩，合葬博陵。

桓帝懿獻梁皇后，建和元年六月，始入掖庭。八月立為

皇后。延熹三年崩，葬懿陵。其歲誅梁冀，廢懿陵為貴人

冢。

按后諱女瑩

桓帝鄧皇后諱猛女，永興中入掖庭為采女。梁冀誅，立后為皇后。延熹八年廢，后送暴室以憂死，葬北邙。

桓思竇皇后諱妙，延熹八年，選入掖庭為貴人。其冬立為皇后。永康元年帝崩，后為皇太后，臨朝定策立靈帝。時太后父大將軍武，謀誅宦官，而中常侍曹節等矯詔殺武，遷太后于南宮雲臺。熹平元年崩，合葬宣陵。

孝仁董皇后，為解瀆侯萇夫人生靈帝。建寧元年帝即

東漢會要 卷一  
位追尊。萇爲孝仁皇。陵曰慎陵。以后爲慎園貴人。及竇氏誅。帝迎貴人。上尊號曰孝仁皇后。宮稱永樂。及竇皇后崩。始預朝政。帝崩。何太后臨朝。遷宮本國。以憂疾病暴崩。合葬慎陵。

靈帝宋皇后。建寧三年。選入掖庭爲貴人。明年立爲皇后。光和元年。策收璽綬。以憂死。

靈思何皇后。以選入掖庭。生皇子辯。拜后爲貴人。光和三年。立爲皇后。王美人生皇子協。后遂酖殺美人。六年。帝崩。辯卽位。尊后爲皇太后。臨朝。董卓兵入。廢少帝爲

宏農王。而立協。是爲獻帝。卓遷太后於永安宮。因進酖。弒而崩。合葬文昭陵。

靈懷王皇后。以家良子。選入掖庭。生獻帝。爲何后所殺。興平元年。追尊王美人爲靈懷皇后。改葬文昭陵。

獻帝伏皇后。初平元年。入掖庭爲貴人。興平二年。立爲皇后。建安十九年。曹操逼帝廢后。遷於他館。遂將后下暴室。以幽崩。

獻穆曹皇后。諱節。魏公曹操中女也。建安十八年。操進三女。皆爲貴人。及伏皇后被弒。立節爲皇后。魏氏旣立。

以后爲山陽公夫人。魏景初元年薨，合葬禪陵。車服禮儀皆依漢制。並后紀

范氏論曰：漢世皇后無諡，皆因帝諡以爲稱。雖呂氏專政，上官臨制，亦無殊號。中興明帝始建光烈之稱，其後並以德爲配。至於賢愚優劣混同一貫，故馬竇二后俱稱德焉。其餘皇帝之庶母及藩王承統以追尊之重，特爲其號，如恭懷、孝崇之比是也。初平中，蔡邕始追正和熹之諡，其安思、順烈以下皆因而加焉。

雜錄

順帝欲立皇后，而貴人有寵者四人，莫知所建。議欲探籌以神定選。胡廣與尚書郭虔史敝上疏諫曰：竊見詔書以立后事大謙不自專，欲假之籌策，決疑靈神。篇籍所記祖宗典故，未嘗有也。恃神任筮，旣不必當賢，就值其人猶非德選。夫岐嶷形於自然，倪天必有異表。宜參良家，簡求有德。德同以年，年鈞以貌。稽之經典，斷之聖慮。政令猶汗，往而不反。詔文一下，形之四方。臣職在拾遺，憂深責重。是以焦心冒昧，陳聞。帝從之。以梁貴人良家子，定立爲皇后。胡廣傳

桓帝延熹八年。鄧皇后敗。而田貴人見幸。帝有建立之議。應奉以田氏微賤。不宜超登后位。上書諫曰。臣聞周納狄女。襄王出居於鄭。漢立飛燕。成帝後嗣泯絕。母后之重。興廢所因。宜思關雎之所求。遠五禁之所忌。帝納其言。竟立竇皇后。應奉傳

立宋皇后儀。尚書令臣囂。僕射臣鼎。尚書臣旭。臣乘。臣滂。臣謨。臣詣。稽首言。伏惟陛下履乾則坤。動合陰陽。羣臣大小。咸以長秋宮未定。遵舊依典。章表仍聞。歷時乃聽。令月吉日。以宋貴人爲皇后。應期正位。羣生兆庶。莫

不式舞。易稱受茲介祉。詩云。千祿百福。子孫千億。萬方幸甚。今吉日以定。臣請太傅太尉司徒司空太常條列禮儀。正處上羣。臣妾無得上壽如故事。臣囂臣鼎臣旭臣滂臣乘臣謨臣詣。愚闇不達大義。誠惶誠恐。頓首死罪。稽首再拜以聞。制曰可。維建寧四年七月乙未。制詔皇后之尊。與帝齊體。供奉天地。祇承宗廟。母臨天下。故有莘興殷。姜任母周。二代之隆。蓋有內德。長秋宮闕。中宮曠位。宋貴人秉淑媛之懿。體山河之儀。威容照曜。德冠後庭。羣寮所咨。僉曰宜哉。卜之著龜。卦得乘乾。有司

奏議宜稱紱組以臨兆民。今使太尉襲使持節奉璽綬，宗正祖為副，立貴人為皇后，其往踐爾位，敬宗禮典，肅謹中饋，無替朕命。永終天祿。皇后初即位，章德殿，太尉使持節奉璽綬，天子臨軒，百官陪位，皇后北面，太尉住蓋下，東向。宗正大長秋西向。宗正讀策文畢，皇后拜稱臣妾，畢住位。太尉襲授璽綬，中常侍長樂太僕高鄉侯覽長跪受璽綬，奏于殿前。女史授婕妤，婕妤長跪受以授昭儀，昭儀長跪受以帶皇后，皇后伏起拜稱臣妾訖。黃門鼓吹三通鳴鼓畢，羣臣以次出，后即位，大赦天下。

皇后秩比國王，即位威儀，赤紱玉璽。禮儀志注

母后稱制

章帝竇太后 和熹鄧太后 安思閻太后 順烈梁

太后 桓思竇太后 靈思何太后

少帝即位，太后即代攝政。臨前殿朝羣臣，太后東面，少

帝西面，羣臣奏事上書皆為兩通，一詣少帝。蔡邕獨斷按此即母

后臨朝之制

永和六年，皇太后始入宗廟，與皇帝交獻。見宗廟條

范氏論曰：自古雖主幼時，艱王家多釁，必委成冢宰，簡

東漢會要 卷一  
求忠賢。未有專任婦人斷割重器。唯秦世太后始攝政。事故穰侯權重于昭王。家富於嬴國。漢仍其謬。知患莫改。東京皇統屢絕。權歸女主。外立者四帝。臨朝者六后。莫不定策。帷帟委事父兄。貪孩童以久其政。抑明賢以專其威。任重道悠。利深禍速。身死霧露于雲臺之上。家嬰縲綆於圜犴之下。湮滅連踵。傾軛繼路。而赴蹈不息。焦爛為期。終陵夷大運。淪亡神寶。詩書所歎。略同一揆。

東漢會要卷二

宋 徐 天 麟 撰

帝系下

皇太子

世祖建武二年立皇子彊為皇太子。母曰郭皇后十九年郭后既廢。太子彊意不自安。郝憚說太子曰。久處疑位。上違孝道。下近危殆。不如辭位以奉養母氏。太子從之。數因左右及諸王。陳其懇誠。願備藩國。上不忍遲回者數歲。六月戊申詔曰。春秋之義立子以貴。東海王陽皇后



東漢會要 卷二  
之子宜承大統皇太子彊崇執謙退願備藩國父子之情重久違之其以彊爲東海王立陽爲皇太子改名莊莊師事博士桓榮學通尙書中元二年二月卽皇帝位是爲孝明皇帝袁宏論曰夫建太子所以重宗統一民心也非有大惡于天下不可移也世祖中興漢業宜遵正道立爲後法今太子之德未虧於外內寵旣多嫡子遷位失矣然東海歸藩謙恭之心彌亮明帝承統友于之情愈篤雖長幼易位興廢不同父子兄弟至性無失以三代之道處之亦何以過乎

明帝永平三年立皇子烜爲皇太子少寬容好儒術明帝器重之十八年八月卽皇帝位是爲孝章皇帝

章帝建初三年四月戊子立皇子慶爲皇太子七年六月廢慶爲清河王立皇子肇爲皇太子章和二年二月卽皇帝位是爲孝和皇帝

和帝元興元年立皇子隆爲皇太子夜卽皇帝位是爲殤帝

安帝永寧元年立皇子保爲皇太子延光三年安帝乳母王聖大長秋江京等與中常侍樊豐閻后妄造虛無

譖讒太子。九月廢皇太子為濟陰王。明年三月安帝崩。北鄉侯立濟陰王。以廢黜不得上殿。及北鄉侯薨。車騎將軍閭顯及江京與中常侍劉安陳達等白太后。秘不發喪。而更召立諸王子。乃閉宮門屯兵自守。中黃門孫程等十九人共斬江京。劉安陳達等迎濟陰王於德陽殿西鍾下。即皇帝位。年十一。是為孝順皇帝。

順帝建康元年四月辛巳立皇子炳為皇太子。其年八月庚午即皇帝位。是為孝沖皇帝。並帝紀

雜錄

東宮

班彪傳云東宮初建按震為長子震東方也故太子所居稱東宮

舊制太子食湯沐十縣。周衛交戟。五日一朝。因坐東箱。省視膳食。其非朝日。使僕中允旦旦請問而已。明不媒

黯廣其敬也。班彪傳

拜皇太子儀。見禮類

世祖以太子舅陰識守執金吾。陰興為衛尉。皆輔導太子。識性忠厚。入雖極言正議。及與賓客語。未嘗及國事。帝敬重之。上以桓榮為議郎。使授太子經。使左中郎將鍾興授太子及宗室諸侯春秋。賜興爵關內侯。興辭以

無功。帝曰：生教訓太子及諸王侯，非大功耶？

顯宗始立為皇太子，選求明經，乃擢桓榮弟子何湯為虎賁中郎將，以尚書授太子。世祖從容問湯：本師為誰？湯對曰：事沛國桓榮，即召榮令說尚書，甚善之。桓榮傳

建武二十八年，上大會羣臣，問誰可傳太子者。羣臣承望上意，皆言太子舅陰識可。博士張佚正色曰：今陛下立太子，為陰氏乎？為天下乎？即為陰氏，則陰侯可為天下則固宜；用天下之賢才，帝稱善曰：欲置傅者以輔太子也。今博士不難正朕，況太子乎？即拜佚為太子太傅。

以博士桓榮為少傅，賜以輜車乘馬。榮以太子經學成，畢上疏謝曰：臣幸得侍帷幄，執經連年，而智學淺短，無以補益萬分。今皇太子以聰叡之姿，通明經義，觀覽古今儲君副主，莫能專精博學若此者也。斯誠國家福祐，天下幸甚。臣師道已盡，皆在太子，謹使掾臣汜再拜歸道。太子報書曰：莊以童蒙學道九載，而典訓不明，無所曉識。夫五經廣大，聖言幽遠，非天下之至精，豈能與于此。況以不才，敢承誨命。昔之先師謝弟子者有矣。上則通達經旨，分明章句；下則去家慕鄉，求謝師門。今蒙下

列不敢有辭。願君謹疾加餐，重愛玉體。

桓榮傳

永平十五年，上使越騎校尉桓郁、郎中張酺授太子經。二人朝夕侍講，勸以經學。是時太子家頗為奢侈，酺每正諫，甚見嚴憚。會平陽公主薨，太子同生也，哀戚過禮。酺以為太子舉措宜動合禮度，因是上疏曰：臣伏見皇太子仁厚寬明，發言高遠，卓然絕異，非人所能及也。今平陽公主薨，悲哀發中，形體骨立，恩愛惻隱，世希似是。願臣愚淺，不識大體，以為宜選名儒高行以充師傅，問訊起居之日，太傅時賜譙，所以宣德音，以成聖德也。侍

中丁鴻，仁而有讓，達於從政。謁者費憚，賢性淳篤，遵領法度，如並侍左右，必能發起微意，增廣徽猷者也。

袁紀

清河孝王慶，母宋貴人有寵，肅宗立慶為皇太子。寶皇后寵盛，心內惡之，日夜毀譖貴人母子，遂漸見疏。慶出居承祿觀，七年遂廢太子慶，而立皇太子肇。肇，梁貴人子也。乃下詔曰：皇太子有失惑無常之性，爰自孩乳至今，益章恐襲其母凶惡之風，不可以奉宗廟為天下主。大義滅親，況降退乎？今廢慶為清河王，皇子肇保育，皇后承訓懷衽，導達善性，將成其器。蓋庶子慈母，尚有終

東漢會要 卷二  
身之恩豈若嫡后事正義明哉。今以肇為皇太子。清河王傳  
安帝時皇太子驚病不安。避幸安帝乳母野王君王聖  
舍。太子乳母王男廚監邴吉等以為聖舍新繕。修犯土  
禁。不可久御聖。及其女永與大長秋江京及中常侍樊  
豐王男邴吉等互相是非。聖永遂誣譖男吉。皆幽囚死。  
家屬徙比景。太子思男等數為歎息。京豐懼有後害。妄  
造虛無間譏太子及東宮官屬。帝怒。召公卿以下會議。  
廢立。耿寶等承旨。皆以為太子當廢。太僕來歷與太常  
桓焉。廷尉張皓議曰。經說年未滿十五。過惡不在其身。

且男吉之謀。皇太子容有不知。宜選忠良保傅。輔以禮  
義。廢置事重。此誠聖恩所宜宿留。帝不從。是日遂廢太  
子為濟陰王。時監太子家小黃門籍建中傅高梵等。皆  
以無罪徙朔方。歷乃要結光祿勳。被諷宗正劉璋。將作  
大匠薛皓。侍中閻邱宏。陳光。趙代。施延。太中大夫朱儁。  
第五頡。中散大夫曹成。諫議大夫李尤。符節令張敬。持  
書侍御史龔調。羽林右監孔顯。城門司馬徐崇。衛尉守  
丞樂闡。長樂未央殿令鄭安世等十餘人。俱詣鴻都門。  
證太子無過。龔調據法律明之。以為男吉犯罪。皇太子

不當坐。帝與左右患之。乃使中常侍奉詔脅羣臣曰：父子一體，天性自然，以義割恩，爲天下也。歷諷等不識大典，而與羣小共爲謹譁，外見忠直，而內希後福，飾邪違義，豈事君之禮。朝廷廣開言事之路，故且一切假貸，若懷迷不反，當顯明刑。書諫者莫不失色。薛皓先頓首曰：固宜如明詔。歷怫然，廷詰皓曰：屬通諫，何言而今復背之。大臣乘朝車處國事，固得輾轉若此乎。乃各稍自引起。歷獨守闕，連日不肯去。帝大怒，乃免歷兄弟官，削國租。歷遂杜門，不與親戚通。時人爲之震慄。來歷傳

安帝廢皇太子爲濟陰王。廷尉張皓與太常桓焉、太僕來歷廷爭之，不能得。皓退而上疏曰：昔賊臣江充造間，讒逆至令戾園興兵，終及禍難。後壺門三老一言，上乃覺悟，雖追前失悔之何逮。今皇太子春秋方始十歲，未見保傅九德之儀，宜簡賢輔，就成聖質。書奏不省。張皓傳順帝擢种暲監太子于承光宮，中常侍高梵從中單駕出迎太子。時太傅杜喬等疑不欲從，惶惑不知所爲。暲乃手劍當車曰：太子國之儲副，人命所係，今常侍來無詔信，何以知非奸邪。今日有死而已。梵辭屈不敢對。馳

東漢會要 卷二  
奏之詔報太子乃得去。神高傳

皇子

光武十一子。郭皇后生東海恭王彊。沛獻王輔。濟南安王康。阜陵質王延。中山簡王焉。許美人生楚王英。光烈皇后生顯宗。東平憲王蒼。廣陵思王荆。臨淮懷公衡。琅邪孝王京。明帝九子。賈貴人生章帝。陰貴人生梁節王暢。餘七王。千乘哀王建。陳敬王羨。彭城靖王恭。樂成靖王黨。下邳惠王衍。淮陽頌王昞。濟陰悼王長。本書不載母氏。章帝八子。宋貴人生清河孝王慶。梁貴人生和帝。

申貴人生濟北惠王壽。河間孝王開。餘四王。千乘貞王伉。平春悼王全。城陽懷王淑。廣宗殤王萬歲。不載母氏。和帝一子。平原懷王勝。並列傳

宗室

宗室卿掌序錄。王國嫡庶之次。及諸宗室親屬。遠近郡國。歲因計上宗室名籍。若有犯法。當髡以上。先上諸宗正。宗正以聞。乃報決。胡廣曰。又歲一治諸王世譜。差序秩第。見百官志。

和帝元興元年。宗室以罪絕者。悉復屬籍。永元十五年。幸章陵祠舊宅。會宗室於舊廬。勞賜作樂。順帝永建元

東漢會要 卷二  
年宗室以罪絕者皆復屬籍陽嘉元年宗室絕屬籍者一切復籍並封爵宗室見封建門

公主

南頓君三女

湖陽長公主黃不言所適史關文後倣此 新野公主適鄧晨

寧平長公主伯姬適李通

世祖五女

舞陽長公主義王適梁松 涅陽長公主中禮適竇

固 館陶公主紅夫適韓光 涇陽公主禮劉適

郭璜 酈邑公主綬一作綬 適陰豐

顯宗十一女

獲嘉長公主姬適馮柱 平陽公主奴適馮順 隆

慮公主迎或作延 適耿襲 平氏公主次 沁水公

主致適鄧乾 平臯公主小姬適鄧蕃 浚儀公

主仲適王度 武安公主惠適來稜 魯陽公主

臣 樂平公主小迎 成安公主小民

肅宗三女

武德長公主男 平邑公主王適馮由 陰安公主



吉

和帝四女

修武長公主保 共邑公主成 臨潁公主利適賈

建 聞喜公主興

順帝三女

舞陽長公主生 冠軍長公主成男 汝陽長公主

廣

桓帝三女

陽安長公主華適伏完 潁陰長公主堅 陽翟長

公主修

靈帝一女

萬年公主某

漢制皇女皆封縣公主儀服同列侯其尊崇者加號長公主儀服同蕃王其後安帝桓帝妹亦封長公主同之皇女其皇女封公主者所生之子襲封為列侯皆傳國於後並本紀公主所食湯沐曰國百官志諸公主每主家令一人其餘屬吏增減無常同上

雜錄

桓帝延熹中。荀爽對策曰。夫婦人倫之始。王化之端。故文王作易。上經首乾坤。下經首咸恆。孔子曰。天尊地卑。乾坤定矣。夫婦之道。所謂順也。堯典曰。釐降二女于媯。媯猶屈體降下。勤修婦道。易曰。帝乙歸妹。以祉元吉。婦人謂嫁曰歸。言湯以娶禮歸其妹于諸侯也。春秋之義。王姬嫁齊。使魯主之。不以天子之尊加于諸侯也。今漢承秦法。設尚主之儀。以妻制夫。以卑臨尊。違乾坤之道。失陽唱之義。孔子曰。昔聖人之作易也。仰則觀象于天。

俯則察法於地。觀鳥獸之文。與天地之宜。近取諸身。遠取諸物。以通神明之德。以類萬物之情。今觀法于天。則北極至尊。四星妃后。察法於地。則崑山象夫。卑澤象妻。觀鳥獸之文。鳥則雄者鳴雌。雌能順服。獸則牡爲唱導。牝乃相從。近取諸身。則乾爲人首。坤爲人腹。遠取諸物。則木實屬天。根莖屬地。陽尊陰卑。蓋乃天性。且詩初篇。實首關雎。禮始冠婚。先正夫婦。天地六經。其旨一揆。宜改尚主之制。以稱乾坤之性。遵法堯湯。式是周孔。合之天地而不謬。質之鬼神而不疑。人事如此。則嘉瑞降天。

吉符出地五躔咸備各以其敘矣荀爽傳

內職

周禮王者立后三夫人九嬪二十七世婦八十一女御

以備內職秦并天下多自驕大宮備七國爵列八品前書

日漢興因秦之稱號正嫡稱皇后妾皆稱夫人又有美人良人八子七子長使少使之號漢興因循

其號而婦制莫釐高祖孝文選納尚簡飾玩少華自武

元之後世增淫費至乃掖庭三千增級十四婕妤一姪娥二容華

三充衣四已上武帝置昭儀五元帝置美人六良人七

七子八八子九長使十少使十一五官十二順常十三

十四此六宮品秩同為一等也妖倖毀政之符外姻亂

邦之迹前史載之詳矣及光武中興築彫為朴六宮稱

號惟皇后貴人貴人金印紫綬奉不過粟數十斛又置

美人宮人采女三等並無爵秩歲時賞賜充給而已漢

法常因八月算人遣中大夫與掖庭丞及相工於洛陽

鄉中閱視良家童女年十三以上二十以下姿色端麗

合法相者載還後宮擇視可否乃用登御所以明慎聘

納詳求淑哲明帝聿遵先旨宮教頗修登建嬪后必先

令德內無出閫之言權無私溺之授可謂矯其敝矣向

使因設外戚之禁編著甲令改正后妃之制貽厥方來

豈不休哉。雖御已有度，而防閑未篤。故孝章以下，漸用色授恩隆，好合遂忘。淄蠹紀，皇后鄧太后久臨朝政，宮婢出入其膏宿者，皆稱中大人紀，鄧后女尚書陳蕃傳注云宮內官也。皇子封王，妾數無限別，乃制設正適曰妃，取小夫人，不得過四十人。百官志注

諸園貴人

諸園貴人安紀注云謂宮人無子守陵園者也。明帝崩，諸貴人當徙居南宮。馬太后感析別之懷，各賜王赤綬，加安車駟馬，白越三千端，雜帛二千匹，黃金十斤。馬后紀。和帝葬，後宮人並

歸園。太后賜周馥貴人策曰：朕與貴人託配後庭，共歡等列。先帝早棄天下，孤心熒熒，今當以舊典分歸外園，慘結增歎。其賜貴人王青蓋車采飾輅，驂馬各一，駟黃金三十斤，雜帛三千匹，白越四千端。又賜馮貴人王赤綬，以未有步搖環佩，加賜各一具。和熹后紀。殤帝延平元年，竇太后詔諸園貴人，其宮人有宗室同族若羸老不任使者，令園監竇覈上名。太后自御北宮，增喜觀閱，問之，恣其去留。即日免遣者五六百人。皇后紀

出宮人

殤帝延平元年皇太后詔司徒大司農長樂少府曰朕以無德佐助統政夙夜經營懼失厥衷思惟治道由近及遠先內後外自建武之初以至于今八十餘年官人歲增房御彌廣又宗室坐事沒入者猶託名公族甚可愍焉今悉免遣及掖庭宮人皆爲庶民以舒幽隔鬱滯之情諸官府郡國王侯家奴婢姓劉及疲癯羸老皆上其名務令實悉

紀又袁紀云詔免掖庭宮人六百餘人皆爲庶人

順帝陽嘉中郎顛上疏臣竊見太子未立儲宮無主仰觀天文太子不明熒惑東入軒轅出后星北軒轅者後

宮也熒惑者至陽之精也而出入軒轅繞還往來易曰天垂象見吉凶其意昭然可見矣禮天子一娶九女媵畢具今宮人侍御動以千計或生而幽隔人道不通鬱積之氣上感皇天故遣熒惑入軒轅垂象見異以悟主上昔武王下車出傾宮之女表商容之間以理人倫以表賢德故天授以聖子成王是也今陛下多積宮人以違天意故皇嗣多天詩曰敬天之怒不敢戲豫方今之福莫若廣嗣廣嗣之術可不深思宜簡出宮女恣其姻嫁則天自降福子孫千億陛下丁寧再三留神于此

郎顛傳

桓帝延熹二年。光祿勳陳蕃上書曰。比年收斂。十傷五六萬人。飢寒不聊生活。而采女數千。食肉衣綺。脂油粉黛。不可貲計。鄙諺言盜不過五女門。以女貧家也。今後宮之女。豈不貧國乎。是以傾宮嫁而天下化。楚女悲而西宮災。且聚而不御。必生悲憂之感。以致并隔水旱之困。云陳蕃云傳九年。荀爽對策曰。臣竊聞後宮采女五六千人。從官侍使。復在其外。冬夏衣服。朝夕稟糧。耗費縑帛。空竭府藏。賦調增倍。十而稅一。空賦不辜之民。以供

無用之女。百姓窮困于外。陰陽隔塞于內。故感動乖氣。災異屢臻。臣愚以爲諸非禮聘。未曾幸御者。一皆遣出。使成配合。一曰通怨曠和陰陽。二曰省財用實府藏。三曰修禮制綏眉壽。四曰配陽施祈螽斯。五曰寬役賦安黎民。此誠國家之大福也。荀爽傳

禮一 吉禮  
 禮樂  
 建武五年光武幸太學稽式古典修明禮樂煥然文物  
 可觀矣通鑑  
 曹充持慶氏禮建武中為博士從巡狩岱宗定封禪禮  
 還受詔議立七廟三雍大射養老禮儀顯宗即位充上  
 言漢再受命仍有封禪之事而禮樂崩闕不可為後嗣

東漢會要卷三

宋 徐天 麟 撰

禮一 吉禮

禮樂

建武五年光武幸太學稽式古典修明禮樂煥然文物可觀矣通鑑

曹充持慶氏禮建武中為博士從巡狩岱宗定封禪禮還受詔議立七廟三雍大射養老禮儀顯宗即位充上言漢再受命仍有封禪之事而禮樂崩闕不可為後嗣

法五帝不相沿樂三王不相襲禮大漢當自制禮以示首世帝問制禮樂云何充對曰河圖括地象曰有漢世禮樂文雅出尚書璇璣鈴曰有帝漢出德洽作樂名子帝善之下詔曰今且改大樂官曰大予樂歌詩曲操以俟君子曹褒傳

永平初是時中興三十餘年四方無虞東平王蒼以天下化平宜修禮樂乃與公卿共議定南北郊冠冕車服制度及光武廟登歌八佾舞語在禮樂輿服志注云其志今亡永平二年上始帥羣臣躬養三老五更于辟雍行大射

之禮郡縣道行鄉飲酒于學校于是七廟禮樂三雍之義備矣禮儀志

和帝永元九年張奮上疏曰聖人所美政道至要本在禮樂五經同歸而禮樂之用尤急孔子曰安上治民莫善于禮移風易俗莫善于樂又曰揖讓而化天下者禮樂之謂也先王之道禮樂可謂盛矣孔子謂子夏曰禮以修外樂以制內已矣夫又曰禮樂不興則刑罰不中刑罰不中則民無所措手足臣以為漢當制作禮樂是以先帝數下詔書愍傷崩缺而眾儒不達議多駁異



臣累世臺輔而大典未定私竊惟憂不忘寢食臣犬馬齒盡誠冀先死見禮樂之定十三年召拜太常復上疏曰漢當改作禮樂圖書著明王者化定制禮功成作樂謹條禮樂異議三事願下有司以時考定昔孝武皇帝封禪告成而禮樂不定不相副先帝已詔曹褒矣今陛下但奉而成之猶周公斟酌文武之道非自爲制誠無所疑久執謙謙令大漢之業不以時成非所以章顯宗祖功德建太平之基爲後世法帝雖善之猶未施行張奮傳

天麟曰自秦燔詩書殺術士而三代之禮樂湮沒不存高皇帝誅項藉引兵圍魯魯中諸儒尙講習舊禮絃歌之音不絕此蓋聖人遺化僅存于好學之國者也而漢初君臣不能博會名儒講習先王制作之本故叔孫通所起朝儀謂之秦儀雜就往往猶祖其尊君卑臣之陋習而樂家但有制氏徒能紀其鏗鏘鼓舞而已由是稽古禮文之事君子歎其多闕焉賈誼請興禮樂而文帝謙遜未遑董仲舒言改制作樂而武帝征討四夷未暇留意禮文之事雖曰興太學修

東漢會要 卷三  
郊祀改正朔定歷數協音律作詩樂建封禪禮百神  
紹周後史謂號令文章煥焉可述若足以粉飾治平  
矣然甘泉寶奉泰一之祠音律或雜鄭衛之聲以封  
禪則惑方士之言以宗廟則遺七廟之制大典既失  
末節何譏至宣帝時王吉願與大臣延及儒生述舊  
禮明王制成帝時劉向因韃爲古磬之出請興辟雍  
設庠序隆雅頌之聲盛揖遜之容以風化天下其言  
皆寢而不行其後貢禹毀宗廟匡衡改郊兆何武定  
三公駸駸向于正誼而數罷數復紛紛不定先漢禮

樂竟有歎焉世祖中興張純定郊廟冠昏之制東平  
王創制車服冠冕之儀殘缺之餘賴以正定建武末  
年初建三雍顯宗卽位親行其禮天子始冠通天衣  
日月備法物之駕盛清道之儀威儀旣盛美矣然而  
中和之化未流禮樂之文未備識者猶有憾焉永平  
三年始用曹充之言正名大予樂而其說乃出於尙  
書璇璣鈴肅宗時曹褒撰次禮制爲百五十篇而乃  
雜以五經讖記之文故張酺劾其破亂聖術竟寢不  
行雖曹氏父子溺于時好而不能守先儒純正之論

要亦上之人實有以啟之也。故嘗謂禮樂之在天下，有君無臣，則不能明制作之本；臣能而君不能，則議論無益于當時，必得大有為之君，而又有善制作之臣，因治定功成之餘，而宣明中和之化，則禮樂之興，庶乎有日矣。

禮儀

更始將北都洛陽，以光武行司隸校尉，時三輔吏士東迎更始，見諸將過，皆冠幘而服，婦人衣于繡鬢，莫不皆笑之，或有畏而走者，及見司隸僚屬，皆歡喜不自勝，老

吏或垂涕曰：不圖今日復見漢官威儀，由是識者皆屬

心焉。

本紀

建武初，舊章多闕，張純在朝，歷世明習故事，每有疑議，輒以訪純，自郊廟婚冠喪紀禮儀，多所正定，帝甚重之。

張純傳

建武五年，修起太學，稽式古典，邊豆干戚之容，備之于列，服方領，習矩步者，委它乎其中。中元元年，初建三雍，明帝卽位，親行其禮，天子始冠通天衣，日月備法物之，駕盛清道之儀，坐明堂而朝羣后，登靈臺以望雲物，袒

割辟雍之上尊養三老五更享射禮畢帝正坐自講冠帶縉紳之人圍橋門而觀聽者蓋億萬計儒林傳

永平二年時中興三十餘年東平王蒼以為天下化平宜興禮樂乃與公卿共議定南北郊冠冕車服制度東平傳

王傳

曹褒少篤志有大度結髮傳充業尤好禮事常感朝廷制度未備慕叔孫通漢禮儀晝夜研精沈吟專思召拜博士會肅宗欲制定禮樂元和二年下詔曰河圖稱赤九會昌十世以光十一以興尚書璇璣鈴曰述堯理世

平制禮樂放唐之文予末小子託於數終曷以續興崇宏祖宗仁濟元元帝命驗曰順堯考德題期立象且三五步驟優劣殊軌况予頑陋無以克堪雖欲從之末由也已每見圖書中心慙焉褒知帝旨欲有興作乃上疏曰昔者聖人受命而王莫不制禮作樂以著功德功成作樂化定制禮所以救世俗致休祥為萬姓獲福于皇天者也今皇天降祉嘉瑞並臻制作之符甚于言語宜定文制著成漢禮不顯祖宗盛德之美章下太常太常巢堪以為一世大典非褒所定不可許帝知羣僚拘攣

東漢會要 卷三  
難與圖始。朝廷禮憲宜時刊立。明年復下詔曰。朕以不  
德膺祖宗宏烈。乃者鸞鳳仍集。麟龍並臻。甘露霄降。嘉  
穀滋生。赤草之類。紀於史官。朕夙夜祇畏。上無以彰于  
先功。下無以克稱靈物。漢遭秦餘。禮壞樂崩。且因循故  
事。未可觀省。有知其說者。各盡所能。褒省詔歎息。謂諸  
生曰。昔奚斯頌魯。考甫詠殷。夫人臣依義顯君。竭忠彰  
主。行之美也。當仁不讓。吾何辭哉。遂復上疏。具陳禮樂  
之本。制改之意。拜褒侍中。從駕南巡。既還。以事下三公。  
未及奏。詔召元武司馬班固。問改定禮制之宜。固曰。京

師諸儒多能說禮。宜廣招集。共議得失。帝曰。諺言作舍  
道邊。三年不成。會禮之家。名爲聚訟。互生疑異。筆不得  
下。昔堯作大章。一夔足矣。章和元年正月。乃詔褒詣嘉  
德門。令小黃門持班固所上叔孫通漢儀十二篇。勅褒  
曰。此制散略。多不合經。今宜依禮條正。使可施行于南  
宮。東觀盡心集作。褒既受命。乃次序禮事。依準舊典。雜  
以五經讖記之文。撰次天子至于庶人冠婚吉凶終始  
制度。以爲百五十篇。寫以二尺四寸簡。其年十二月。奏  
上帝。以眾論難一。故但納之。不復令有司平奏。會帝崩。

和帝即位。褒乃作為章句。帝遂以新禮二篇冠擢。褒監羽林左騎。後太尉張酺尚書張敏等奏。褒擅制漢禮。破亂聖術。宜加刑誅。帝雖寢其奏。而漢禮遂不行。褒傳禮記四十九篇。教授諸生千餘人。慶氏學遂行于世。曹褒傳

安帝永初中。謁者僕射劉珍。校書郎劉駒。駢著作東觀。

撰集漢記。因定漢家禮儀。張衡傳

順帝即位。尚書令劉光等奏言。孝安皇帝聖德明茂。早棄天下。陛下正統當奉宗廟。而姦臣交讒。遂令陛下龍潛藩國。羣僚遠近莫不失望。天命有常。北鄉不永。漢德

盛明。福祚孔章。近臣建策。左右扶翼。內外同心。稽合神明。陛下踐祚。奉遵鴻緒。為郊廟主。續祖宗無窮之烈。上當天心。下厭民望。而即位倉卒。典章多缺。請條案禮儀。分別具奏。制曰可。紀

獻帝建安二年時。始遷都于許。舊章湮沒。書記罕存。應劭慨然歎息。乃綴集所聞。著漢官禮儀故事。凡朝廷制度百官典式。多劭所立。應劭傳

班固曰。世祖受命中興。撥亂反正。改定京師于土中。即位三十年。四夷賓服。百姓家給。政教清明。乃營立明堂。

辟雍。顯宗卽位躬行其禮。宗祀光武皇帝於明堂。養三老五更于辟雍。威儀既盛美矣。然德化未流洽者。禮樂未具。羣下無所誦說。而庠序尙未設之故也。孔子曰。辟如爲山。未成一簣。止吾止也。今叔孫通所撰禮儀。與律令同錄。藏于理官。法家又復不傳。漢典寢而不著。民臣莫有言者。又通沒之後。河間獻王采禮樂古事。稍稍增輯。至五百餘篇。今學者不能昭見。但推士禮以及天子說義。又頗謬異。故君臣長幼交接之道。寢以不章。前漢禮樂

志注云今謂作志時

禮記曰孔子之喪有日  
燕未觀者合於子自  
子夏曰聖人之葬人與  
之葬聖人也子何親焉

范氏論曰。漢初天下創定。朝制無文。叔孫通頗探經禮。參酌秦法。雖適物觀時。有救崩敝。然先王之容典。蓋多闕文。是以賈誼仲舒。王吉劉向之徒。懷憤歎息。所不能已也。資文宣之遠圖。明懿美而終莫或用。故知自燕而觀。有不盡矣。孝章永言前王。明發興作。專命禮臣。撰定國憲。洋洋乎盛德之事焉。而業絕天算。議黜異端。斯道竟復墜矣。夫三王不相襲禮。五帝不相沿樂。所以咸莖異調。中都殊絕。况物運遷回。情數萬化。制則不能隨其流變。品度未足定其滋章。斯固世主所當損益也。且樂

東漢會要 卷三  
非夔襄而新音代起。律謝臯蘇而制令亟易。修補舊文。獨何猜焉。禮云禮云曷其然哉。曹褒傳論

光武卽位告天

建武元年。光武卽位于鄗。爲壇營于鄗之陽。祭告天地。用元始中郊祭故事。六宗羣神皆從。未以祖配。天地共犢。餘牲尙約。其文曰。皇天上帝后土神祇。睠顧降命。屬秀黎元。爲民父母。秀不敢當。羣下百僚不謀同辭。咸曰。王莽篡弑竊位。秀發憤興義兵。破王邑百萬眾于昆陽。誅王郎銅馬赤眉青犢賊。平定天下。海內蒙恩。上當天

心。下爲元元所歸。讖記曰。劉秀發兵捕不道。卯金修德。爲天子。秀猶固辭。至于再。至于三。羣下曰。皇天大命。不可稽留。敢不敬承。志 本紀

郊祀

建武二年正月。初制郊兆于雒陽城南七里依鄗。采元始中故事。爲圓壇八陛。中又爲重壇。天地位其上。皆南鄉。西上。其外壇上爲五帝位。青帝位在甲寅之地。赤帝位在丙巳之地。黃帝位在丁未之地。白帝位在庚申之地。黑帝位在壬亥之地。其外爲壇。重營皆紫。以像紫宮。



東漢會要 卷三  
有四通道以爲門。日月在中營內。南道日在東。月在西。北斗在北道之西。皆別位。不在羣神列。中八陛。陛五十八齎。合四百六十四齎。五帝陛郭。帝七十二齎。合三百六十齎。中營四門。門五十四神。合二百一十六神。外營四門。門百八神。合四百三十二神。皆背營內。鄉中營四門。門封神四。外營四門。門封神四。合三十二神。凡千五百一十四神。營卽壇也。封封土築也。背中營神五星也。及中宮宿五官神及五嶽之屬也。背外營神二十八宿。外營星雷公。先農。風伯。雨師。四海。四瀆。名山大川之屬。

也。至七年五月。詔三公曰。漢當郊。堯其與。卿大夫博士議。時侍御史杜林上疏。以爲漢起不因緣。堯與殷周異宜。而舊制以高帝配。方軍師在外。且可如元年郊祀故事。上從之。語在林傳。隴蜀平後。乃增廣郊祀。高帝配。食位在中壇上。西面北上。天地高帝。黃帝各用犢一頭。青帝赤帝共用犢一頭。白帝黑帝共用犢一頭。凡用犢六頭。日月北斗共用十一頭。四營羣神共用牛四頭。凡用牛五頭。凡樂奏青陽。朱明。西皓。元冥。及雲翹。育命。舞中營四門。門用席十八枚。外營四門。門用席三十六枚。凡

用席二百一十六枚。皆莞簟。率一席三神。日月北斗無  
陛。郭醮。既送神。燔俎。實於壇南。已地。

臣天麟按。三代祭祀之禮。至秦泯絕無餘。漢興之初。  
君子固望其復古矣。而考之于史。有可憾者。自高祖  
因秦四時立黑帝祠。而雍五時之祠始具。至文帝十  
五年。始行親郊之禮。又用新垣平言。立渭陽五帝廟。  
亦視郊拜焉。及平以詐誅。乃不復親祠。而使有司以  
時致禮。其後武帝又立后土祠于汾陰。立秦一祠於  
甘泉。是于甘泉秦一汾陰后土與雍五時之祠。間歲

迭舉。而莫有議其非者。成帝卽位。丞相匡衡御史大  
夫張譚奏言。周文武郊于豐鄗。成王郊于維也。天隨  
王者之居。而向之甘泉。秦時河東后土之祠。宜可徙  
置長安。議者王商師丹翟方進等。亦以爲聖王祭天  
地必於國郊。甘泉河東之祠。非神靈所享。天子從之。  
於是始定長安南北郊。建始二年。合祭天地。而甘泉  
汾陰五時陳寶諸祠皆罷焉。其後惑于禍福。或復或  
罷。迄于元始。而王莽復奏。宜如建始時。復南北郊祀。  
而莽又頗改其祭禮。謂周禮祀天地之樂。有別有合。

故以正月上辛若丁天子親合祀天地于南郊而以冬夏日至使有司別祀天地于南北郊平帝雖可其奏而不及躬行其禮世祖中興制兆于洛陽城南頗采元始故事凡配食之位壇營之次神示之兆牲犢之數秩然有序其亦幾于古矣然中元之初又營北郊于雒城之北而別祀地祇焉則是天地之祠復析爲二也且五嶽四海四瀆名山大川之神旣已列敘於南郊矣今北郊又復奉祀禮煩則亂事神則難其斯之謂歟班固作郊祀志而備載元始之制亦可見

其不以人廢言也

封禪

建武三十年張純等上言上卽位三十年宜封禪曰自古受命而帝治世之隆必有封禪以告成功焉樂動聲儀日以雅治人風成于頌有周之盛成康之間郊配封禪皆可見也書曰歲二月東巡狩至於岱宗柴則封禪之義也臣伏見陛下受中興之命平海內之亂修復祖宗撫存萬姓天下曠然咸蒙更生恩德雲行惠澤雨施黎元安寧夷狄慕義詩云受天之祜四方來賀今攝提

之歲蒼龍甲寅德在東宮宜及嘉時遵唐虞之典繼孝武之業以二月東巡狩封于岱宗明中興勳功勳復祖統報天神禪梁父祀地祇傳祚子孫萬世之基業也詔曰卽位三十年百姓怨氣滿腹吾誰欺欺天乎曾謂太山不如林放何事汗七十二代之編錄桓公欲封管仲非之若郡縣遠遣吏上壽盛稱虞美必髡兼令屯田從此羣臣不敢復言三月上幸魯過太山告太守以上過故承詔祭泰山及梁父時虎賁中郎將梁松等議記曰齊將有事泰山先有事配林蓋諸侯之禮也河嶽視公

侯王者祭焉宜無卽事之漸不祭配林三十二年正月上齊夜讀河圖會昌符曰赤劉之九會命岱宗不慎克用何益于承誠善用之奸僞不萌感此文乃詔松等復案索河雒讖文言九世封禪事者松等列奏乃許焉初武帝欲求神仙以扶方者言黃帝由封禪而後仙于是欲封禪封禪不常時人莫知元封元年上以方士言作封禪器以示羣儒多言不合于古于是罷諸儒不用三月上東上泰山乃上石立之泰山顛遂東巡海上求仙人無所見而還四月封太山恐所施用非是乃秘其事

語在漢書郊祀志。上許梁松等奏。乃求元封時封禪故事。議封禪所施用。有司奏。當用方石。再累置壇中。皆方五尺。厚一尺。用玉牒書藏方石。牒厚五寸。長尺三寸。廣五寸。有玉檢。又用石檢十枚。列于石傍。東西各三。南北各二。皆長三尺。廣一尺。厚七寸。檢中刻三處。深四寸。方五寸。有蓋。檢用金縷。五周以水銀。和金以爲泥。玉璽一方。寸二分。一枚。方五寸。石四角。又有距石。皆再累。枚長一丈。厚一尺。廣二尺。皆在圓壇上。其下用距石十八枚。皆高三尺。厚一尺。廣二尺。如小碑。環壇立之。去壇三步。

距石下皆有石跗。入地四尺。又用石碑。高九尺。廣二尺。五寸。厚尺二寸。立壇丙地。去壇三丈以上。以刻書。上用石功難。又欲及二月封。故詔松欲因故封。石空。檢更加封而已。松上疏爭之。以爲登封之禮。告功皇天。垂後無窮。以爲萬民也。承天之敬。尤宜章明。奉圖書之瑞。尤宜顯著。今因舊封。竄寄玉牒。故石下。恐非重命之義。受命中興。宜當特異。以明天意。遂使泰山郡。又魯趣石工。宜取完青石。無必五色。時以印工。不能刻玉牒。欲用漆書之。會求得能刻玉者。遂書。書秘刻方石中。命容玉牒。

東漢會要 卷三  
三  
二月上至奉高遣侍御史與蘭臺令史將工先上山刻石文曰惟建武三十有二年二月皇帝東巡狩至于岱宗柴望秩于山川班于羣神遂觀東后從臣太尉熹行司徒事特進高密侯禹等漢賓二王之後在位孔子之孫褒成侯序在東后蕃王十二咸來助祭河圖赤伏符曰劉秀發兵捕不道四夷雲集龍鬪野四七之際火爲主河圖會昌符曰赤帝九世巡省得中治平則封誠合帝道孔矩則天文靈出地祇瑞興帝劉之九會命岱宗誠善用之奸僞不萌赤漢德興九世會昌巡岱皆當天

地扶九崇經之常漢大興之道在九世之王封于泰山刻石著紀禪于梁父退省考五河圖合古篇曰帝劉之秀九名之世帝行德封刻政河圖提劉子曰九世之帝方明聖持衡拒九州平天下子雒書甄曜度曰赤三德昌九世會修符合帝際勉刻封孝經鉤命決曰予誰行赤劉用帝三建孝九會修專茲竭行封岱青河雒命后經讖所傳昔在帝堯聰明密微遜與舜庶後裔握機王莽以舅后之家三司鼎足冢宰之權勢依託周公霍光輔幼歸政之義遂以篡叛僭號自立宗廟隳壞社稷喪

東漢會要 卷三  
亡不得血食十有八年。揚徐青三州首亂，兵革橫行。延及荊州，豪傑并兼，百里屯聚，往往僭號。北夷作寇，千里無煙，無雞鳴狗吠之聲。皇天矜顧皇帝，以匹庶受命。中興年二十八載，興兵起，是以中次誅討十有餘年。罪人則斯得，黎庶得居爾田，安爾宅，書同文，車同軌，人同倫，舟輿所通，人跡所至，靡不貢職。建明堂，立辟雍，起靈臺，設庠序，同律度量衡，修五禮，五玉三帛，二牲一死，贊吏各修職，復于舊典。在位三十有二年，年六十二。乾乾日昃，不敢荒寧，涉危歷險，親巡黎元，恭肅神祇，惠恤耆老。

理庶遵古，聰允明恕。皇帝唯謹，河圖洛書正文。是月辛卯，柴登封泰山。甲子禪于梁陰，以承靈瑞，以爲兆民。永茲一字垂于後昆。百僚從臣，郡守師尹，咸蒙祉福，永永無極。秦相李斯燔詩書，樂崩禮壞。建武元年，已前文書散亡，舊典不具，不能明經文以章句，細微相況。八十一卷明者爲驗，又其十卷皆不昭晰。子貢欲去告朔之餼，羊子曰：賜也，爾愛其羊，我愛其禮。後有聖人，正失誤，刻石記。二十二日辛卯，晨燎祭天于秦山下南方，羣神皆從，用樂如南郊。諸王王者後二公，孔子後褒成君，皆助。

東漢會要 卷三  
祭位事也。事畢將升封。或曰：太山雖已從食於柴祭，今親告功，宜有禮祭。于是使謁者以一特牲于常祠泰山處，告祠泰山。如親耕，驅劉先祠先農先虞故事。至食時，御輦升山。日中後到山更衣。早晡時，卽位于壇北面。羣臣以次陳後。西上畢，位升壇。尙書令奉牒玉檢。皇帝以寸二分璽親封之。訖，太常命人發壇上石。尙書令藏玉牒。已復石覆訖，尙書令以五寸印封石檢。事畢，皇帝再拜。羣臣稱萬歲。命人立所刻石碑，乃復道下。二十五日甲午，禪祭地于梁陰，以高后配。山川羣神從。如元始中

北郊故事。四月己卯，大赦天下。以建武三十二年爲建武中元元年。復博奉高靈，勿出。元年，租芻藁，以吉日刻玉牒書函藏金匱。璽印封之。乙酉，使太尉行事，以特告至高廟。太尉奉匱以告高廟，藏于廟室西壁石室。高主

室之下。

張純傳及祭祀志

范氏論曰：嘗聞儒言三皇無文，結繩以治。自五帝始有書契。至于三王，俗化彫文，詐僞漸興。始有印璽以檢奸萌，然而未有金玉銀銅之器也。自上皇以來，封泰山者至周七十二代。封者謂封土爲壇，柴祭告天，代興成功。



東漢會要 卷三  
也。禮記所謂因名山升中于天者也。易姓則改封者，著一代之始，明不相襲也。繼世之王巡狩，則修封以祭而已。自秦始皇孝武帝封太山，本由好仙信方士之言，造爲石檢印封之事也。所聞如此，雖誠天道難可度知，然其大較猶有本要。天道質誠約而不費者也。故牲有犢器用陶匏，殆將無事于檢封之間而樂難攻之石也。且唯封爲改代，故岱宗夏康周宣由廢復興而不聞改封。世祖欲因孝武故封，實繼祖宗之道也。而梁松固爭以爲必改，乃當夫既封之後，未有福而松卒被誅死，雖罪

由身，蓋亦誣神之咎也。且帝王所以能大顯于後者，實在其德加于民，不聞其在封矣。祭祀志

臣天麟按：虞書載舜巡狩岱宗，柴望告祭，蓋所以尊天而懷柔百神。初未始有檢玉泥金之事也。後世學禮者失其傳，于是封禪之說興焉。管仲答齊桓公，以爲占封禪者七十二家，皆受命然後得封禪，其說旣已不經。至秦皇漢武，夸張治功，爲銜世輝俗之舉，然卒無補于治道。光武中興，初以大義卻羣臣之請，似稍知義禮者。然卒惑于讖緯之文，張純、梁松又從而

附會之固不逃于識者之譏矣。然武帝始與羣臣議封禪，皆以禮典曠絕，莫知其儀體，乃盡罷諸儒弗用，而率意行之。不過如郊祀太一之禮，及建武親升告功，又特講求元封故事，則知二君雖修舉曠典，而威儀文物，實出于私意之所裁定，未嘗稽合于古聖之典，是以言禮者無取焉。

東漢會要卷四

宋 徐 天 麟 撰

禮一 吉禮

北郊

光武中元元年，初營北郊，在洛陽城北四里，為方壇四陛，明年正月辛未，郊別祀地祇，位南面西上，高皇后配西面北上，皆在壇上，地理羣神從食，皆在壇下。如元始中故事，中嶽在未，四嶽各在其方，孟辰之地，中營內海在東，四瀆河西，濟北，淮東，江南，宅山川各如其方，皆在

東漢會要 卷四  
外營內四陛酸及中外營門封神如南郊地祇高后用  
犢各一頭五嶽其牛一頭海四瀆其牛一頭羣神其牛  
二頭奏樂亦如南郊既送神瘞俎實于壇北祭祀志

明堂

辟雍

靈臺

光武中元元年初營明堂辟雍靈臺未用事明帝卽位  
永平二年正月辛未初祀五帝于明堂光武帝配五帝  
坐位堂上各處其位黃帝在未皆如南郊之位光武帝  
位在青帝之南少退西面牲各一犢帝及公卿列侯始  
服冠冕衣裳玉佩鉤屨以行事奏樂如南郊禮畢登靈

臺使尙書令持節詔驃騎將軍三公曰今令月吉日宗  
祀光武皇帝于明堂以配五帝禮備法物樂和八音詠  
祉福舞功德其班時令勅羣后事畢升靈臺望元氣吹  
時律觀物變羣僚藩輔宗室子孫眾郡奉計百蠻貢職  
烏桓濊貊來助祭單于侍子骨都侯亦皆陪位斯固聖  
祖功德之所致者也朕以閭陋奉承大業親執圭璧恭  
祀天地仰惟先帝受命中興撥亂反正以寧天下封泰  
山建明堂立辟雍起靈臺恢宏大道被之八極而嗣子  
無成康之質羣臣無呂旦之謀盥洗進爵踧踏惟慚素

性頑鄙臨事益懼其令天下自殊死以下皆赦除之百僚師尹其勉修厥職順行時令敬若昊天以綏兆人三月臨辟雍初行大射禮祭祀志又本紀

永平八年臨辟雍養三老五更

章帝建初三年正月宗祀明堂禮畢登靈臺望雲物

元和二年二月幸泰山柴告岱宗進幸奉高壬申宗祀

五帝于汶上明堂本紀詳見雜祭祀條

和帝永元五年祀五帝于明堂遂登靈臺望雲物

永元十四年臨辟雍饗射

順帝陽嘉元年臨辟雍饗射

二年十月行禮辟雍奏應鍾始復黃鍾作樂器隨月律

永和元年宗祀明堂登靈臺改元大赦

漢安元年正月癸巳宗祀明堂大赦改元

靈帝熹平六年十月帝臨辟雍並紀

明堂及靈臺各一人掌守明堂靈臺掌候日月星氣

皆屬太史百官志

宗廟

光武帝建武二年正月立高廟于雒陽四時禘祀高帝

東漢會要 卷四  
三  
爲太祖文帝爲太宗武帝爲世宗如舊餘帝四時春以正月夏以四月秋以七月冬以十月及臘一歲五祀三年正月立親廟雒陽祀父南頓君以上至春陵節侯時寇賊未夷方務征伐祀儀未設至十九年盜賊討除戎事差息于是五官中郎將張純與太僕朱浮奏言禮爲人後者則爲之子既事大宗大宗謂元帝則降其私親今禘祫高廟陳序昭穆而春陵四世君臣並列以卑厠尊不合禮意昔高帝以自受命不由太上宣帝以孫後祖不敢私親故爲父立廟獨羣臣侍祠臣愚謂宜除今親廟

以則二帝舊典願下有司博采其議詔下公卿大司徒戴涉大司空竇融議宜以宣元成哀平五帝四世代今親廟宣元皇帝尊爲祖父可親奉祠成帝以下有司行事別爲南頓君立皇考廟其祭上至春陵節侯羣臣奉祠以明尊尊之敬親親之恩時議有異不著上可涉等議詔曰以宗廟處所未定且祫祭高廟其成哀平且祠祭長安故高廟其南陽春陵歲時各且因故園廟祭祀園廟去太守治所遠者在所令長行太守事侍祠惟孝宣帝有功德其上尊號曰中宗于是雒陽高廟四時加

祭孝宣孝元凡五帝其西廟成哀平三帝主四時祭于故高廟東廟京兆尹侍祠冠衣車服如太常祠陵廟之禮南頓君以上至節侯皆就園廟南頓君稱皇考廟鉅鹿都尉稱皇祖考廟鬱林太守稱皇曾祖考廟節侯稱皇高祖考廟在所郡縣侍祠張純傳及祭祀志光武皇帝崩明帝即位以光武帝撥亂中興更為起廟號曰世祖廟以元帝于光武為穆故雖非宗不毀也後遂為常祭祀志

明帝永平三年十月烝祭光武廟初奏文始五行武德

之舞詳見樂類

明帝臨終遺詔遵儉無起寢廟藏主于光烈皇后更衣

別室志云光武廟更衣孝章即位有司奏言孝明皇帝聖德淳

茂功烈光于四海仁風行于千載而深執謙謙無起寢

廟掃地而祭除日祀之法省送終之禮遂藏主于光烈

皇后更衣別室臣以為更衣在中門之外處所殊別宜

尊廟曰顯宗其四時禘祫于光武之堂間祀悉還更衣

其進武德之舞如孝文皇帝祫祭高廟故事制曰可紀

章帝臨崩遺詔無起寢廟廟如先帝故事和帝即位不

敢違上尊號曰肅宗。後帝承尊，皆藏主于世祖廟。積多無別。是後顯宗但為陵寢之號。永元中，和帝追尊其母梁貴人曰恭懷皇后。陵以竇后配食。章帝恭懷皇后別就陵寢祭之。初有司奏言：孝章皇帝崇宏鴻業，德化普洽，垂意黎民，留念稼穡，文加殊俗，武暢方表，界惟人面，無思不服，巍巍蕩蕩，莫與比隆。周頌曰：於穆清廟，肅雍顯相。請上尊廟曰肅宗。其進武德之舞，制曰可。本紀及祭祀志

和帝崩，廟號穆宗。本紀

傷帝生三百餘日而崩。鄧太后以尙嬰孩，故不列于廟。

就陵寢祭之而已。祭祀志

安帝以清河孝王子即位。建光元年，追尊其祖母宋貴人曰敬隱后。陵曰敬北陵。亦就陵寢祭。太常領如西陵。追尊父清河孝王曰孝德。皇母曰孝德后。清河嗣王奉

祭而已。同上

安帝以讒害大臣廢太子，及崩無上宗之奏。後以自建武以來無毀者，故遂常祭。因以其陵寢之號而稱恭宗。

祭祀志

順帝即位，追尊其母曰恭愍后。陵曰恭北陵。就陵寢祭。

如敬北陵

順帝崩有司奏言孝順皇帝宏秉聖哲龍興統業稽乾則古欽奉鴻烈寬裕晏晏宣恩以極躬自菲薄以崇元默遺詔貽約顧念萬國衣無製新玩好不飾坐陵損狹不起寢廟遵履前制敬勅慎終有始有卒孝經曰愛敬盡于事親而德教加于百姓詩云敬慎威儀惟民之則臣請上尊號曰敬宗廟天子世世獻奉藏主祫祭進武德之舞如祖宗故事露布奏可

東觀書

沖帝質帝皆小崩梁太后以殤帝故事就陵寢祭凡祠

廟訖三公分祭之

祭祀志

桓帝以河間孝王孫蠡吾侯即位亦追尊祖考王國奉

祀八王傳

桓帝崩上尊號曰威宗無嗣靈帝以河間孝王曾孫解

瀆侯即位亦追尊祖考

祭祀志

靈帝時京都四時所祭高廟五主世祖廟七主少帝三

陵追尊后三陵凡牲用十八太牢皆有副倅故高廟三

主親毀之後亦但殷祭之歲奉祠

決疑要注曰毀廟主藏廟外戶之外西廡

之中有石函名曰宗祏函中有笥以盛主親盡則廟毀毀廟之主藏于始祖之廟一世為祧祧猶四時祭之二



世爲壇三世爲壇四世爲鬼  
祫乃祭之有禱亦祭之並志

初平中蔡邕等以和帝以下功德無殊而有過差不應爲宗及餘非宗者追尊三后皆奏毀之四時所祭高廟一祖二宗及近帝四凡七帝古不墓祭漢諸陵皆有園寢承秦所爲也說者以古宗廟前廟後寢以象人之居前有朝後有寢也月令先薦寢廟詩寢廟奕奕言相通也廟以藏主四時祭寢有衣冠几杖象生之具以薦新物秦始出寢起于墓側漢因不改故陵上稱寢殿起居衣服象生人之具古寢之意也

祭祀志

梁太后臨朝以殤帝幼崩廟次宜在順帝下太常馬訪奏宜如詔書諫議大夫呂勃以爲應依昭穆之序先殤帝後順帝詔下公卿大鴻臚周舉議曰春秋魯閔公無子庶兄僖公代立其子文公遂躋僖公于閔上孔子譏之書曰有事于太廟躋僖公傳曰逆祀也及定公正其序經曰從祀先公爲萬世法也今殤帝在先于秩爲父順帝在後于親爲子先後之義不可改昭穆之序不可亂呂勃議是也太后從之遂下詔曰孝殤皇帝雖不永休祚而卽位踰年君臣禮成孝安皇帝承襲統業而前

東漢會要 卷四  
世遂令恭陵在康陵上，先後相踰，失其次序，非所以奉宗廟之重，垂無窮之制。昔定公追正順祀，春秋善之。其令恭陵次康陵，憲陵次恭陵，以序親秩為萬世法。周禮傳及

紀本

獻帝元初二年，有司奏議宗廟迭毀，左中郎將蔡邕議曰：漢承秦滅學之後，宗廟之祭不用周禮，每帝卽世，輒立一廟，不止于七，不列昭穆，不定迭毀。孝元帝時，丞相匡衡、御史大夫貢禹始建大議，請依典禮。孝文、孝武、孝宣皆以功德茂盛為宗，不毀。孝宣尊崇孝武，廟稱世宗。

中正大臣夏侯勝猶執異議，不應為宗。至孝成皇帝，議猶不定。太僕王舜、中壘校尉劉歆據經傳義處不可毀，上從其議。古人據正重順，不敢私其君父，如此其至也。後遭王莽之亂，光武皇帝受命中興，廟稱世祖。孝明皇帝政參文宣，廟稱顯宗。孝章皇帝至孝，烝烝仁恩，博大廟稱肅宗。皆方前世得禮之宜。自此以下，政事多變，權移臣下，嗣帝殷勤，各欲褒崇至親，而臣下懦弱，莫敢執夏侯之直。今朝廷遵古復禮，以求厥中，誠合事宜。孝元皇帝世在第八，光武皇帝世在第九，故以元帝為考，廟

尊而奉之。孝明尊述，亦不敢毀。孝和以下，穆宗、威宗之號，皆宜省去。五年而再殷祭，祫食于太祖，以遵先典。議遂施行。

袁紀及志注

臣天麟按：古者天子七廟，三昭三穆，與太祖之廟而七。其制則外爲都宮，太祖在北，三昭三穆以次而南。周以後，穆始封，文武受命而王，是以三廟不毀，與親廟四而七。非有后穆始封，文武受命之功者，皆當五廟而迭毀，親親之殺，示有終也。西都草創，禮制缺略，諸帝之廟，各自居陵旁立之。其都宮之制，昭穆之位，

不復如古，然猶不失獨專一廟之尊也。郡國之立祖宗廟，京師之立原廟，雖背經違古，然猶幸罷廢于中世之後也。元帝時，貢禹建迭毀之議，韋元成、匡衡、劉歆等考據明白，本末具在。世祖中興，固望其一正典禮，合先王七廟之制度。考之于史，建武所立親廟四，言者首議其非。永平所立世祖廟，又與高廟異處，無復昭穆之序。明帝臨終遺詔，藏主于光烈皇后更衣別室。章帝而下，莫敢或違，徒務爲抑損之私，而不知禮義之正。末年遂至高廟五主，世祖廟七主，其瀆亂

東漢會要 卷四  
不經。未有如是之甚者。噫。東都儒者。如張純。朱浮。曹  
褒。鄭元之儔。皆號稱明習典禮。而獨不能復古人七  
廟之制。魏晉循之。遂不能革。而先王宗廟之禮。始盡  
廢矣。惜哉。

禘祫

建武十八年。光武幸長安。詔太常行禘禮于高廟。序昭  
穆。父爲昭。南向。子爲穆。北向。二十六年。有詔問張純。禘  
祫之禮。不施行幾年。宜據經典。詳爲其制。純奏。禮三年  
一祫。五年一禘。春秋傳曰。大禘者何。合祭之。毀廟之主。

陳于太祖。未毀廟之主。皆升合食。太祖五年。再殷祭。漢  
舊制。三年一祫。毀廟主合食高廟。存廟主未嘗合祭。元  
始五年。諸王公列侯廟會。始爲禘祭。又建武十八年。親  
幸長安。亦行此禮。禮說。三年一閏。天氣小備。五年再閏。  
天氣大備。三年一祫。五年一禘。父爲昭。南向。子爲穆。北  
向。父子不並坐。而孫從王父。禘之爲言。諦。諦。昭穆尊  
卑之義也。禘祭以夏四月。陽氣在上。陰氣在下。故正尊  
卑之義也。祫祭以冬十月。五穀成熟。物備禮成。故合聚  
飲食也。斯典之廢于茲八年。謂可如禮施行。以時定議。

上難復立廟遂以合祭高廟為常後以三年冬祫五年夏禘之時但就陳祭毀廟主而已謂之殷太祖東面惠文武元帝為昭景宣帝為穆惠景昭三帝非殷祭時不祭自是禘祫遂定

志及張純傳

章帝建初七年八月飲酎高廟禘祭光武皇帝孝明皇帝甲辰詔書云祖考來格明哲之祀子末小子質又菲薄仰惟先帝烝烝之情前修禘祭以盡孝敬朕得識昭穆之序寄遠祖之思今年大禮復舉加以先帝之坐悲傷感懷樂以迎來哀以送往雖祭亡如在而虛空不知

所裁庶或享之豈亡克謹肅雍之臣辟公之相皆助朕之依依今賜公錢四十萬卿半之及百官執事各有差

紀

